



episcoporum munere in Ecclesia, locutus est exc.mus P. D. Carolus de Provenchères, arch. Aquensis in Gallia.

Proclamato exitu secundae suffragationis: praesentes votantes 2010, *placet* 1782, *non placet* 225, vota nulla 3; secretarius generalis indixit quintam suffragationem.

Finita oratione exc.mi P. D. Ioannis Zoa, arch. Yaundensis, proclamatus est exitus tertiae suffragationis: praesentes votantes 1996, *placet* 1912, *non placet* 81, *placet iuxta modum* (vota nulla) 2, votum nullum 1; et indicta est suffragatio super integrum prooemium et cap. I schematis *de pastorali episcoporum munere in Ecclesia*.

Adhuc circa n. 22 schematis *de Ecclesia in mundo huius temporis* locuti sunt exc.mi PP. DD. Leo Elchinger, ep. tit. Antandrinus, coad. Argentinensis, et Leonidas Proaño Villalba, ep. Rivibambensis.

Postea circa n. 23 eiusdem schematis locuti sunt em.mi PP. DD. Stephanus Wyszyński, arch. Gnesnensis et Varsaviensis, et Paulus Richard, arch. Burdigalensis.

Secretarius generalis proclamavit exitum suffragationum super schema *de pastorali episcoporum munere in Ecclesia*: quartae, praesentes votantes 1963, *placet* 1880, *non placet* 81, *placet iuxta modum* (votum nullum) 1, votum nullum 1; quintae, praesentes votantes 1968, *placet* 1889, *non placet* 78, votum nullum 1; super integrum prooemium et cap. I, praesentes votantes 1965, *placet* 1030, *non placet* 77, *placet iuxta modum* 852, vota nulla 6.

Tandem circa n. 23 *de Ecclesia in mundo huius temporis* locuti sunt exc.mi PP. DD. Angelus Herrera y Oria, ep. Malacitanus, et Radulfus Zambrano Camader, ep. Facatativensis.

Intimata proxima congregatione generali, sequenti die, hora nona, habenda, repositus est S. Evangelii codex et em.mus P. D. card. Eugenius Tisserant preces *Agimus... Angelus...* recitavit. Congregatio finita est hora 12,25.

CXV

Congregatio generalis centesima decima quinta habita est die 5 novembris 1964, feria V, hora nona ante meridiem. Interfuerunt 2054 Patres, nempe 51 cardinales, 6 patriarchae, 12 primates, 339 archiepiscopi, 1494 episcopi, 9 abbates nullius, 12 praelati nullius, 51 praefecti apostolici, 80 superiores generales.

Missa votiva de Spiritu Sancto, ritu romano, celebrata est ab exc.mo P. D. Clemente Kabukasansha, ep. tit. Cibyratensi, aux. Arcis Rosebery. Chorus Cappellae Sixtinae exsecutus est cantus *Spiritum tuum* (Lasso),



Sanctus (Asola), *Pange lingua* (gregoriano), *O salutaris hostia* (Bartolucci).

Post Missam, S. Evangelii codicem super paratum thronum statuit exc.mus P. D. Marianus Rossell y Arellano, arch. Guatimalensis, dum chorus cantat ant. *Exaltate regem regum* cum psalmo.

Exc.mus P. D. Pericles Felici, arch. tit. Samosatensis, Ss. Concilii secretarius generalis, intimavit *Exeant omnes* et proclamavit nomen moderatoris congregationis, em.mi P. D. card. Iacobi Lercaro, arch. Bononiensis. Item annuntiavit mortem exc.mi P. D. Ioseph Gagnor, ep. Alexandrini Statiellorum, et em.mus P. D. card. Eugenius Tisserant recitavit *de profundis* cum versibus et oratione.

Dein secretarius generalis monuit distributum iri relationem clarissimi viri Iacobi Norris, auditoris, circa *paupertatem*, quoad n. 24 schematis *de Ecclesia in mundo huius temporis*; emendationem typographicam, inserendam in fasciculo textus *de pastoralis episcoporum munere in Ecclesia*. Tandem legit nomina eorum, qui loqui petierant circa n. 23 *de Ecclesia in mundo huius temporis*.

Exc.mus P. D. Aloisius Carli, ep. Signinus, relationem legit circa articulos I et II cap. II schematis *de pastoralis episcoporum munere in Ecclesia*.

Post monitum de audientia Summi Pontificis, sequenti die, pro episcopatu africano linguae gallicae, exc.mus P. D. Narcissus Jubany Arnau, ep. Gerundensis, legit relationem circa art. III cap. II schematis *de pastoralis episcoporum munere in Ecclesia*.

Dein secretarius generalis indixit septimam suffragationem super schema *de pastoralis episcoporum munere in Ecclesia*.

Circa n. 23 schematis *de Ecclesia in mundo huius temporis* locutus est exc.mus P. D. Philippus Iacobus Benitez Avalos, ep. tit. Chersonesitanus in Europa, aux. St. Assumptionis.

Tum secretarius generalis monuit sequenti die inceptum iri disputationem circa schema *de activitate missionali Ecclesiae*, et indixit octavam suffragationem super schema *de pastoralis episcoporum munere in Ecclesia*.

Post orationem exc.mi P. D. Iesu Alba Palacios, ep. Tehuantepecensis, indicta est suffragatio nona super schema *de pastoralis episcoporum munere in Ecclesia*.

Ultimus locutus est circa n. 23 *de Ecclesia in mundo huius temporis* exc.mus P. D. Paulus Zoungrana, arch. Uagaduguensis, atque secretarius generalis proclamavit exitum suffragationis septimae: praesentes votantes 2062, *placet* 2040, *non placet* 22; necnon indixit decimam suffragationem.



Item legit nomina eorum, qui loqui postulaverant circa n. 24 schematis *de Ecclesia in mundo huius temporis* atque, post relationem clarissimi Iacobi Norris *de paupertate*, communicavit exitum suffragationis octavae super schema *de pastoralis episcoporum munere in Ecclesia*: praesentes votantes 2063, *placet* 2055, *non placet* 8; necnon undecimam suffragationem indixit.

Finita oratione em.mi P. D. card. Ioseph Frings, arch. Coloniensis, circa n. 24 schematis *de Ecclesia in mundo huius temporis*, indicta est duodecima suffragatio super schema *de pastoralis episcoporum munere in Ecclesia*.

Post orationem em.mi P. D. card. Bernardi Alfrink, arch. Ultraiecentensis, secretarius generalis proclamavit exitum suffragationum *de pastoralis episcoporum munere in Ecclesia*: nonae, praesentes votantes 2044, *placet* 1986, *non placet* 57, suffragium nullum 1; decimae, praesentes votantes 1993, *placet* 1979, *non placet* 12, *placet iuxta modum* (votum nullum) 1, votum nullum 1; et indixit suffragationem decimam tertiam.

Deinde, finita oratione exc.mi P. D. Ioannis Rupp, ep. Monocensis, secretarius generalis proclamavit exitum suffragationis undecimae super schema *de pastoralis episcoporum munere in Ecclesia*: praesentes votantes 2005, *placet* 1982, *non placet* 22, *placet iuxta modum* (votum nullum) 1; et indixit suffragationem decimam quartam.

Tunc locutus est exc.mus P. D. Antonius Pildain y Zapiain, ep. Canariensis; atque secretarius generalis proclamavit exitum suffragationis duodecimae: praesentes votantes 1981, *placet* 1956, *non placet* 25.

Post orationem exc.mi P. D. Eduardi Swanstrom, ep. tit. Arbensis, aux. Neo-Eboracensis, subsecretarius exc.mus P. D. Ioannes Villot, arch. tit. Bosporanus, coad. c. i. s. Lugdunensis, proclamavit exitum suffragationis decimae tertiae super schema *de pastoralis episcoporum munere in Ecclesia*: praesentes votantes 1964, *placet* 1950, *non placet* 14.

Tandem circa n. 24 schematis *de Ecclesia in mundo huius temporis* locutus est exc.mus P. D. Gregorius Thangalathil, arch. Trivandrensis.

Intimata proxima congregatione generali, sequenti die, hora nona, habenda, repositus est S. Evangelii codex et em.mus P. D. card. Eugenius Tisserant preces *Agimus... Angelus...* recitavit. Congregatio finita est hora 12,24.

CXVI

Congregatio generalis centesima decima sexta habita est die 6 novembris 1964, feria VI, hora nona ante meridiem. Interfuerunt